

Serie A N.º 0362755

**SESIÓN EXTRAORDINARIA CELEBRADA POLO CONCELLO PLENO O DÍA
15/XULLO/1999**

S U M A R I O

- 1.- APROBACIÓN, SE PROCEDE, ACTA ANTERIOR.
- 2.- PERIODICIDADE DAS SESIÓNS DO PLENO E COMISIÓN DE GOBERNO.
- 3.- CREACIÓN E COMPOSICIÓN COMISIÓNS INFORMATIVAS.
- 4.- DAR CONTA DE RESOLUCIÓNS DA ALCALDÍA EN MATERIA DE NOMEAMENTO DE TENIENTES DE ALCALDE, MEMBROS DA COMISIÓN DE GOBERNO, ASÍ COMO DE DELEGADOS DA ALCALDÍA.
- 5.- PROPOSTA DE SECRETARIO/A PARTICULAR DA ALCALDÍA.

Na Sala de Sesión do Concello de Redondela, ás vinte horas do **día quince de xullo de mil novecentos noventa e nove**, baixo a Presidencia do Ilmo. Sr. Alcalde, D. XAIME REI BARREIRO e a asistencia dos Sres/as Concelleiros/as: D. MANUEL JAVIER NUÑEZ SALGADO, D. EMILIO GONZÁLEZ IGLESIAS, D. LUÍS ALBERTO ORGE MÍGUEZ, D^a M^a. DEL PILAR MARTÍNEZ GONZÁLEZ, D^a. M^a. DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. MANUEL RAMÓN CONDE ROMERO, D. EMILIO SÁNCHEZ SONTORIO, D^a. AURORA ALONSO MONTEAGUDO, D. FRANCISCO ANTONIO LAGO MELÓN, D. JOSE LUÍS ALONSO BASTOS, D. MANUEL PUENTES SAAVEDRA, D. LUÍS MÍGUEZ BOULLOSA, D. PABLO REBANAL ALFAYA, D. XOSE CARLOS PAZOS DOCAMPO, D^a. CECELIA PÉREZ ORGE, D. JOSÉ LUÍS GRANDE GRANDE, D^a. M^a. ANGELES GONZÁLEZ GÓMEZ, actuando como Secretario o da Corporación, D. LUÍS TORRADO VÁZQUEZ, constitúese o Pleno do Ilmo. Concello, en sesión extraordinaria, correspondente ó día da data, conforme á convocatoria e de acordo coa Orde do Dia remesada a tódolos Sres/as Concelleiros/as, coa antelación legalmente requerida. Está tamén presente o Sr. Interventor do Concello, D. MODESTO SOLLA SANZ.

A Presidencia declara aberta a sesión en primeira convocatoria, procedéndose a trata-los puntos da Orde do Dia.

1.- APROBACIÓN, SE PROCEDE, ACTA ANTERIOR

Pola Presidencia dase conta da acta da sesión celebrada con carácter extraordinario o pasado día 3 de xullo de 1999, para a súa aprobación se procedera.

Concedida a palabra pola Presidencia polo Concelleiro Sr. Conde Romero, maniféstase que non ten nada que alegar con respecto o contido da acta que agora se trae para a súa aprobación, pero manifesta a súa discrepancia polo que respecta a falta da acta de arqueo extraordinaria e o referente os datos do inventario de bens do Concello.

Polo Sr. Alcalde, sinálase que o anterior Sr. Alcalde, non deixou preparada no seu momento a citada acta de arqueo extraordinario, e que agora do que se trata é de saber se se está ou non conforme con contido da acta anterior citada ós efectos da súa a aprobación.

Non habendo unanimidade de criterios pola Presidencia sométese a aprobación a acta anterior aludida. Efectuada ésta obtivo o seguinte resultado:

Votan en contra da súa aprobación os Sres. Concelleiros do PP, (8); votan a favor da súa aprobación os Sres. Concelleiros de PSG de PSOE (9) e os Sres. Concelleiros do BNG (4). Na súa consecuencia por maioría de votos resultou aprobada a acta da sesión anterior.

2.- PERIODICIDADE DAS SESIÓNS DO PLENO E COMISIÓN DE GOBERNO.

O Sr. Presidente da conta a este Concello Pleno da proposta da Alcaldía de data 12 de xullo do ano que andamos, que dí:

"En relación co previsto no artigo 38 do Regulamento Organización e Funcionamento e Réximen Local das Corporacións Locais, esta Alcaldía propon ó Pleno que a periodicidade das sesións ordinarias do Pleno e da Comisión de Goberno, quede establecida como sigue:

Sesións ordinarias dos Plenos: Penúltimo xoves de cada mes, as 20 horas desde outubro a maio de cada ano, ambos inclusive; e as 20:30 horas dos meses de xuño, xullo, agosto e setembro de cada ano.

Serie A N.º 0362756

As sesión ordinarias das Comisión de Goberno celébranse o primeiro e terceiro luns de cada mes as mesmas horas que as sinaladas anteriormente".

Este Concello Pleno por unanimidade prestou a sua aprobación a proposta da Alcaldía antes transcrita.

3.- CREACIÓN E COMPOSICIÓN COMISIÓNS INFORMATIVAS

Pola Presidencia dase conta da proposta da Alcaldía de data 12 de xullo do ano que andamos que dí:

"En relación co previsto no artigo 38 do Regulamento de Organización Funcionamento e Réxime Xurídico das Corporacións Locais, este Alcalde propón ó Pleno a creación e composición das comisións informativas permanentes como se relacionan a continuación:

ECONOMÍA, FACENDA E DESENVOLVEMENTO LOCAL:

Presidente: D. Emilio González Iglesias
Vicepresidente: D. Manuel Javier Nuñez Salgado
D^a. Pilar Martínez González
D. Luis Alberto Orge Míguez
D. Manuel Ramón Conde Romero
D^a. Aurora Alonso Monteagudo
D. Emilio Sánchez Santorio
D. Xosé Carlos Pazos Docampo
D^a. Celicilia Pérez Orge

URBANISMO:

Presidente: D. Luis Alberto Orge Míguez
Vicepresidente: D. Emilio González Iglesias
D. Manuel Iglesias Carrera
D. Alejandro Bastos Fernández
D. Manuel Ramón Conde Romero
D. Emilio Sánchez Santorio
D. José Luis Alonso Bastos
D. Xosé Carlos Pazos Docampo
D^a. Cecilia Pérez Orge

INTERIOR:

Presidente: D. Alejandro Bastos Fernández
Vicepresidente: D. Luis Alberto Orge Míguez
D. Carlos González Fernández
D. Manuel Javier Nuñez Salgado

60

D. Luis Martínez Boullosa
D. Manuel Puentes Saavedra
D. Manuel Ramón Conde Romero
D. José Luis Grande Grande
D^a. Cecilia Pérez Orge

SANIDADE:

Presidente:D^a. Pilar Martínez González
Vicepresidente:D. Emilio González Iglesias
D^a.M^a. Del Carmen Rodríguez Cunha
D. Manuel Iglesias Carrera
D. Francisco Antonio Lago Melón
D. Manuel Puentes SAVEDRA
D. Luis Martínez Boullosa
D^a.Anxeles González Gómez
D. José L. Grande Grande

CULTURA:

Presidente:D. Manuel Javier Nuñez Salgado
Vicepresidente:D. Alejandro Bastos Fernández
D. Carlos González Fernández
D^a.M^a.Del Carmen Rodríguez Cunha
D^a.Aurora Alonso Monteagudo
D. Xosé Luis Alonso Bastos
D. Luis Martínez Boullosa
D^a.Cecilia Pérez Orge
D^a.Anxeles González Gómez

ENSINO:

Presidente:D. José Luis Grande Grande
Vicepresidente:D^a.Anxeles González Gómez
D. Manuel Iglesias Carrera
D. Alejandro Bastos Fernández
D^a.M^a.Del Carmen Rodríguez Cunha
D^a.Pilar Martínez González
D. Pablo Rebanal Alfaya
D. Francisco Antonio Lago Melón
D. Manuel Puentes Saavedra

DEPORTES:

Presidente:D. Carlos González Fernández
Vicepresidente:D. Manuel Javier Nuñez Salgado
D. Manuel Iglesias Carrera
D. Emilio González Iglesias
D. Emilio Sánchez Santorio
D. José Luis Alonso Bastos

Serie A N.º 0362757

D. Pablo Rebanal Alfaya
D. José Luis Grande Grande
D^a.Anxeles González Gómez

BENESTAR SOCIAL E XUVENTUDE:

Presidente:D^a.M^a. Del Carmen Rodríguez Cunha
Vicepresidente:D. Luis Alberto Orge Míguez
D^a.M^a. Pilar Martínez González
D. Carlos González Fernández
D. Pablo Rebanal Alfaya
D^a.Aurora Alonso Monteagudo
D. Francisco Antonio Lago Melón
D^a.Anxeles González Gómez
D^a.Cecilia Pérez Orge".

Este Concello Pleno por unanimidade dos Sres/as Asistentes prestou a sua aprobación a proposta da Alcaldía antes transcripta.

4.-DAR CONTA DE RESOLUCIÓNS DA ALCALDÍA EN MATERIA DE NOMEAMENTO DE TENIENTES DE ALCALDE, MEMBROS DA COMISIÓN DE GOBERNO, ASÍ COMO DE DELEGADOS DA ALCALDÍA

Pola Presidencia dase conta das resolucións da Alcaldía de data 5 de xullo do ano que andamos, referente ó nomeamento de Tenientes de Alcaldía, que dí:

"En virtude das facultades que me outorgan os Artigos 23.23 da Lei 7/1985 de 2 de Abril e 46 do Regulamento de Organización, Funcionamento e Réxime Xurídico dos Entes Locais, na súa consecuencia

R E S O L V O :

PRIMEIRO.- Nomear TENIENTES DE ALCALDE que me substituirán segundo a orde de nomeamento, ós Concellieros/as membros da Comisión de Goberno, seguintes:

- | | | |
|----|-------------|------------------------------------|
| 1º | Tenencia D. | Xose Carlos Pazos Docampo |
| 2ª | " | D. Manuel Javier Nuñez Salgado |
| 3ª | " | D. Emilio González Iglesias |
| 4ª | " | D ^a .Cecilia Pérez Orge |

SEGUNDO.- Da presente Resolución que terá efectificades dende o día da signatura da mesma polo Sr. Alcalde, se dará conta ó Pleno do Concello na primeira sesión que se celebre, notificándose persoalmente ós Tenientes de Alcalde nomeados pola presente Resolución, e publicándose a mesma no Boletín Oficial da Provincia".

Pola Presidencia dase conta da resolución da Alcaldía que data 6 de xullo do ano que andamos, referente a nomeamento de membros da Comisión de Goberno, que dí:

"De conformidade coas competencias que me atribúen os Artigos 21.1 da Lei 7/1985 de 2 de Abril Reguladora das Bases do Réxime Local e 46 e 52 do Regulamento de Organización, Funcionamento e Réxime Xurídico dos Entes Locais, así como o disposto no Artigo 37 do Regulamento Orgánico Municipal, na súa consecuencia,

R E S O L V O :

PRIMEIRO.- Nomear para a Comisión de Goberno e como membros da mesma, ós seguintes Concelleiros:

- 1.- D. Xaime Rei Barreiro
- 2.- D. Javier Manuel Nuñez Salgado
- 3.- D. Emilio González Iglesias
- 4.- D. Luis Orge Miguez
- 5.- D^a. Pilar Martínez González
- 6.- D^a. M^a. Carmen Rodríguez Cunha
- 7.- D. Xose Carlos Pazos Docampo
- 8.- D^a. Cecilia Pérez Orge

SEGUNDO.- Da presente Resolución que terá efectividade dende o día da signatura da mesma polo Sr. Alcalde, se dará conta ó Pleno do Concello na primeira sesión que se celebre, notificándose persoalmente ós Concelleiros membros da Comisión de Goberno nomeados pola presente Resolución, e publicándose a mesma no Boletín Oficial da Provincia"

Pola Presidencia asímesmo dase conta da Resolución da Alcaldía de data 5 de xullo de 1999, que dí:

"Polo presente, en uso das atribucións que me confiren os artigos 43 e 44 do Regulamento de Organización, Funcionamento e Réxime Xurídico das Entidades Locais, polo presente veño en dispoñer:

PRIMEIRO.- Nomear Delegado de Vías Obras e Alumeado o Concelleiro D. Manuel Iglesias Carrera.

SEGUNDO.- Nomear Delegado de Parques Xardíns e Protección Civil a D. Alejandro Bastos Fernández.

TERCEIRO.- Nomear Delegado de Patrimonio e Montes a D. Emilio González Iglesias.

As citadas Delegacións producirán efecto dende a data de sinatura do presente Decreto, deberán poñerse en coñecemento do Pleno na primeira sesión que celebre, e publicaranse no Boletín Oficial da Provincia según dispón o artigo 44 do Regulamento antes citado.

Do presente Decreto deberá darse traslado os Sres. Concelleiros nomeados e a tódolos departamentos deste Concello".-

Pola Presidencia dase conta asimesmo da Resolución da Alcaldía de data 5 de xullo do ano que andamos que dí:

"Polo presente, e en uso das atribucións que me confiren os artigos 43 e 44 do Regulamento de Organización e Réxime Xurídico das Entidades Locais, veño a efectuar as seguintes delegacións:

Primeira.- Nomear Delegado de Persoal e Tráfico ó Concelleiro D. XOSÉ CARLOS PAZOS DOCAMPO.

Segunda.- Nomear Delegada da Muller á Concelleira DONA MARÍA ÁNGELES GONZÁLEZ PÉREZ GÓMEZ.

As citadas delegacións producirán efecto desde a data da sinatua do presente Decreto, e darase coñecemento das mesmas ó Pleno na primeira sesión que o mesmo celebre, e se publicarán no Boletín Oficial da Provincia segundo dispón o artigo 44 do Regulamento antes citado.

64

Deberá darse traslado do presente Decreto ós Sres./as. Concelleiros/as nomeados, a a tódos os departamentos deste Concello, incluída a Policía Local"

Pola Presidencia tamén se da conta da Resolución da Alcaldía de data 5 de xullo de 1999, que dí:

"Polo presente, en uso das atribucións que me confiren os artigos 43 e 44 do Regulamento do Organización, Funcionamento e Réximo Xurídico das Entidades Locais, polo presente veño en dispoñer:

Modificar a Delegación concedida por esta Alcaldía a D. Xose Carlos Pazos Docampo, nomeando ó mesmo como Delegado de Persoal e Tráfico no senso seguinte:

Nomear Delegado de Persoal, Policía Local e Tráfico o Concelleiro D. Xose Carlos Pazos Docampo.

A citada Delegación producirá efecto dende a data de sinatura do presente Decreto, deberá poñerse en coñecemento do Pleno na primeira sesión que celebre, e publicarse no Boletín Oficial da Provincia según dispón o artigo 44 do Regulamento antes citado.

Do presente Decreto deberá darse traslado o Sr. Concelleiro nomeado a Policía Local e a tódolos departamentos deste Concello".

Asimesmo pola Presidencia dase conta da Resolución da Alcaldía, de data 9 de xullo de 1999, que dí:

"Polo presente, en uso das atribucións que me confiren os artigos 43 e 44 do Regulamento do Organización, Funcionamento e Réximo Xurídico das Entidades Locais, polo presente veño en dispoñer:

Nomear Delegado/a de Turismo ó Concelleiro/a D./^a CARLOS GONZÁLEZ FERNÁNDEZ,

A citada Delegación producirá efecto dende a data de sinatura do presente Decreto, deberá poñerse en coñecemento do Pleno na primeira sesión que celebre, e publicarse no

Serie A N.º 0362759

Boletín Oficial da Provincia según dispón o artigo 44 do Regulamento antes citado.

Do presente Decreto deberá darse traslado o Sr/a.. Concelleiro/a nomeado/a e a tódolos departamentos deste Concello".

Pola Presidencia asimesmo, dase conta da Resolución da Alcaldía de data 9 de xullo de 1999, pola que se nomea Presidente do Patronato Municipal de Deportes, que transcrita dí:

"Polo presente, en uso das atribucións que me confiren os artigos 43 e 44 do Regulamento do Organización, Funcionamento e Réximo Xurídico das Entidades Locais, polo presente veño en

R E S O L V E R :

Delega-la Presidencia do Patronato Municipal de Deportes no Concelliro/a D./ª MANUEL IGLESIAS CARRERA.

A citada Delegación producirá efecto dende a data de sinatura do presente Decreto, deberá poñerse en coñecemento do Pleno na primeira sesión que celebre, e publicarase no Boletín Oficial da Provincia según dispón o artigo 44 do Regulamento antes citado.

Do presente Decreto deberá darse traslado o Sr/a.. Concelleiro/a nomeado/a e a tódolos departamentos deste Concello."

Pola Presidencia tamén se da conta da Resolución de data 9 de xullo de 1999, pola que se nomea Presidenta do Patronato do Conservatorio Municipal de Música que dí:

"Polo presente, en uso das atribucións que me confiren os artigos 43 e 44 do Regulamento do Organización, Funcionamento e Réximo Xurídico das Entidades Locais, polo presente veño en

R E S O L V E R :

Delega-la Presidencia do Patronato do Conservatorio Municipal de Música no Concelliro/a D./ª CECILIA PÉREZ ORGE.

A citada Delegación producirá efecto dende a data de sinatura do presente Decreto, deberá poñerse en coñecemento do Pleno na primeira sesión que celebre, e publicarse no Boletín Oficial da Provincia según dispón o artigo 44 do Regulamento antes citado.

Do presente Decreto deberá darse traslado o Sr/a.. Concelleiro/a nomeado/a e a tódolos departamentos deste Concello."

Pola Presidencia asimesmo tamén se dá conta da Resolución da Alcaldía de data 9 de xullo de ano que andamos, en relación co nomeamento de Presidente da Comisión de Seguimento de Servicios Públicos Privatizados, que dí:

"Polo presente, en uso das atribucións que me confiren os artigos 43 e 44 do Regulamento do Organización, Funcionamento e Réxime Xurídico das Entidades Locais, polo presente veño en dispoñer:

Nomear Presidente da Comisión de Seguimento de Servicios Públicos Privatizados ó Concelleiro/a D./^a XOSE CARLOS PAZOS DOCAMPO.

A citada Delegación producirá efecto dende a data de sinatura do presente Decreto, deberá poñerse en coñecemento do Pleno na primeira sesión que celebre, e publicarse no Boletín Oficial da Provincia según dispón o artigo 44 do Regulamento antes citado.

Do presente Decreto deberá darse traslado o Sr/a.. Concelleiro/a nomeado/a e a tódolos departamentos deste Concello."

Este Concello Pleno por unanimidade dos Sres/as Asistentes deuse por enterada das propostas da Alcaldía antes transcriptas.

5.-PROPOSTA DE SECRETARIO/A PARTICULAR DA ALCALDÍA

Pola Presidencia dase conta da proposta da Alcaldía de data 13 de xullo do ano que andamos, que di:

"Visto o cadro de persoal do Concello de Redondela e tendo en conta que no mesmo figura un posto de Secretario/a particular da Alcaldía, como persoal eventual, para o que se dispón de crédito no orzamento prorrogado.

Consonte ó establecido no artigo 104.1 da Lei 7/1985 do 2 de abril, Reguladora das Bases de Réxime Local (BOE número 80, do 3 de abril de 1985), esta Alcaldía proponlle ó Concello Pleno que determine o seguinte persoal eventual, por ser de carácter necesario para o adecuado funcionamento desta Alcaldía, e da Corporación:

Denominación do posto: Secretario/a particular da Alcaldía.

Retribucións: 3.283.810 pesetas brutas anuais (235.569 pesetas mensuais por 12 meses, e 228.491 pesetas en cada unha das dúas pagas extraordinarias, xuño e novembro)."

Pola Presidencia ábrese o correspondente turno de intervencións.

Concedida a palabra pola Presidencia pola Concelleira Sra. Pérez Orge se sinala que a proposta da Alcaldía referente a este asunto está perfectamente argumentada e que está de acordo coa mesma, especialmente pola carencia de persoal deste Concello.

Concedida a palabra pola Presidencia ó Sr. Conde Romero, por éste sinálase que o Sr. Alcalde ou ben perdeu a memoria ou pretende enganar os veciños, e continúa a súa intervención decindo que unha das cousas primeiras que dixerá falaba do control do gasto, e a agora nos trae esta proposta da Secretaria Particular sen que exista necesidade soamente para recibir chamadas telefónicas ou para concertar comidas. Asimesmo na súa intervención polo citado Sr. Concelleiro se sinala que a pesar da situación económica do Concello ten entendido que lle vai a dar

dedicación exclusiva ó Concelleiro Sr. Pazos Docampo, solicitando que o referido Sr. Concelleiro exerza as funcións de Secretario Particular do Alcalde o que suporía un aforro de gastos e serviría para pagar a Renfe ou para adquirir contenedores.

Remata a súa intervención o Sr. Conde Romero indicando que se o Concello ten bos funcionarios poña a un deles como Secretario Particular do Alcalde e senón que se poña o Sr. Concelleiro Pazos Docampo neste posto de traballo para aforrarse diñeiro, e pide que este asunto quede sobre a mesa xa que do contrario votará en contra desta proposta.

Concedida a palabra pola Presidencia o Sr. Orge Míguez, por este maniféstase que o Concelleiro Sr. Conde Romero ten que darse conta de que éste é un Municipio de perto de 30.000 habitantes e que é o cuarto da Provincia de Pontevedra e que o que falou demostra que o citado Sr. Concelleiro descoñece totalmente este Munnicipio que dende logo non é Pazos de Borbén. Continua a súa intervención o citado Sr. Concelleiro decindo que desde que tomaron posesión os Concelleiros do PP, non apareceron por este Concello e que por iso desde o descoñecemento do que é este Concello chegaron á conclusión da non necesidade da contratación da Secretaria Particular da Alcaldía que será unha persoa independente que terá que funcionar e que non ocurrirá como fixo antes o PP que se encomendou esas funcións a unha comisaria política do PP. e remata a súa intervención pedíndolle o Sr. Conde Romero repeto para o Sr. Pazos Docampo así como os demais Concelleiros/as membros desta Corporación.

Concedida a palabra pola Presidencia pola Concelleira Sra. Pérez Orge, sinalase referíndose ó Concelleiro Sr. Conde Romero que a demagogia aquí non lle vai a servir para nada e que se se mira tanto o diñeiro e porque o PP que gobernou con anterioridade deixou a facenda municipal baixo mínimos, aludíndo por outra banda que o cometido do Concelleiro do Sr. Pazos Docampo e de xestión e non ten nada que ver co cometido da Secretaria Particular da Alcaldía, indicando que se acude a ese nomeamento de Secretaria Particular do Sr. Alcalde pola carencia de persoal funcionario para exercer tal cometido.

Serie A N.º 0362761

Remata a súa intervención a Sra. Concelleira pedindo respecto o demais Concelleiros/as e decíndo que hai que ser consecuentes.

Concedida a palabra pola Presidencia, polo Sr. Conde Romero se indica que estamos a anos luz doutros Concellos, manifestando que considera que o gasto da Secretaria Particular do Alcalde non é necesario e que nunca neste Concello houbo un Concelleiro con dedicacións exclusiva e que nun mitín anterior ó último o Sr. Pazos Docampo tratou de ladrón o Sr. Alcalde e remata a súa intervención indicando que a cuestión da dedicación exclusiva trátase dun reparto da torta e que con eses cartos poderíanse facer cousas a favor dos veciños do Redondela.

Polo Sr. Presidente e por alusións concédeselle a palabra o Concelleiro Sr. Pazos Docampo quen manifesta que os insultos verquidos polo Sr. Concelleiro Conde Romero contra a súa persoa constitúen unha mentira e como proba manifesta que o Concelleiro do PP non está en condicións de decir lugar día e hora en que tal descalificación se produxo indicando que de non facelo así debe retiralo dito considerando que a manifestación formulada polo Concelleiro do PP Conde Romero constitúe unha mala entrada do mesmo no Concello e que este Concello de Redondela presuposto que non é o de Pazos de Borbén.

Concedida a palabra o Sr. Concelleiro Orge Míguez por éste sinálase que o Concelleiro Sr. Conde Romero entrou mal orientado neste Concello pero que haberá ocasión de intervir noutros temas máis importantes.

Remata a súa intervención o citado Sr. Concelleiro decíndo que non vai haber neste Concello o gasto da Asesora e que non se preocupe das comidas do Sr. Alcalde que habitualmente comerá na súa casa e que non pasará como co anterior Alcalde que no mes de xuño tiña consumido a consignación orzamentaria para gastos de representación da Alcaldía.

O non haber unanimidade de criterios, pola Presidencia se somete a votación a proposta do Sr. Conde Romero de

dixar este asunto sobre a mesa. Efectuada ésta obtívose o seguinte resultado, votan en contra de deixalo sobre a mesa os Sres. Concelleiros do PSG de PSOE (9) e os Sres. Concelleiros do BNG (4); votan a favor de deixalo sobre a mesa os Sres. Concelleiros do PP (8). Na sua consecuencia e por maioría de votos resultou rexeitada a proposta do PP de deixar este asunto sobre a mesa.

O non haber unanimidade de criterios respecto da proposta deste asunto da Orde do día o Sr. Presidente sométese a votación á mesma. Efectuada esta obtívose o seguinte resultado: Votan en contra da mesma os Sres. Concelleiros do PP (8); votan a favor da mesma os Sres. Concelleiros do PSG de PSOE (9) e os Sres. Concelleiros do BNG (4). Na sua consecuencia por maioría de votos resultou aprobada a proposta da Alcaldía antes transcrita.

E, non sendo outro o obxecto da presente sesión, pola Presidencia dase por rematada a mesma, sendo ás vinte horas e trinta minutos da data fixada no encabezamento, en proba de todo o que, se estende a presente Acta, que se inscribiu no Libro dende o folio cincuenta e cinco do Papel Timbrado da Comunidade Autónoma de Galicia, Serie A nº 0362755, ata a volta do folio nº sesenta e un, Serie A nº 0362761, de todo o que, como Secretario, DOU FE.

O ALCALDE

O SECRETARIO

Asdo: Xaime Rei Barreiro

Asdo: Luís Torrado Vázquez